

اداره خانه

باب عالی جاده سنده دائرة مخصوصه

آبونه سرائطی

ممالك عثمانیه ده سنه لکی (۶۵)، التي
آیلغی (۳۵) غروشدور. ممالك اجنبیه ده
سنه لکی (۱۷)، آلتی آیلغی (۹) فرانقدر.
[ایضاحات: نسخه سی الی پاره، آلتی
آیلغی بر جلد، هر جلد ۲۶ نسخه در.]

اخطارات

§ آبونه بدلی پشیندر،
§ آدرس تبدیلنده قرق پاره لک
پول کوندرلملی در .
§ مسلكه موافق آثار مع المصنویه
قبول اولتور . درج ایدیلمه یین یازیلر
اعاده اولونماز .

الکشاف

۱۳۳۰

دینی، علمی، ادبی، سیاسی هفته لک مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول: ح. اشرف ادیب

جلد ۱۰

۷ رجب شریف ۱۳۳۱ پنجشنبه ۳۰ مایس ۱۳۲۹

عدد ۲۴۸

اخطارات

رساله مزدن آلدیغی کوسترلک شرطیه
بتون یازیلر هر هانکی بر غننه طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسنی محتوی
بولونمسی ؟

§

ممالك اجنبیه ایچون آبونه اولانلرک
آدرس لریک فرانسه جه سی ده یازلمسی ؟

§

پاره کوندردیکی زمان نه یه دائر اولدیغنک
واضحاً بیلدیرلمسی رجا اولنور .

خُطْبَةُ هَوَا عِظْ

فیلیپن آطه لرنده زانبوانفه والیسی اولوب اهالی* اسلامیه طرفندن وكالة در سعادته کلمن اولان « حون بارق فینلی » طرفندن وقوع بولان مراجعت اوزرینه مشاهیر فضلادن محمود اسعد افندی حضرتلری جانبندن یازیلان مکتوبک صورتی در :

فیلیپن اهالی* اسلامیه

بسم الله الرحمن الرحيم

ای اخوان دین !

معلوم کزد که الله تعالی « هو الذی خلق لکم مافی الارض جمیعاً » (سوره بقره ۲۷) قول کریمی موجبجه یرده بولنان اشیا ای انسانک استفاده منه عرض ایتشددر . لکن بوالطاف سبحانیه دن استفاده بادهوا دکلددر . « وان ایس للانسان الاماسی » قول کریمی موجبجه بونلردن استفاده ایچون صرف مساعی ایتک لازمدر . انسان سعینی صرف ایتزسه اللهک بولطفلرندن استفاده ایلده من . مثلاً قریه کزک کنارنده برماء جاری اولسه آنک قوتی سزک ایچون معدوم حکمنده اولوب هیچ استفاده ایده من سکز . اندن استفاده ایده بیلیمک ایچون مصارف اختیار یله ومساعی صرف یله بر دکر منی وجوده کتورمک لازم کلور . لکن بومساعی بوشنه کیتمز « وان سعیه سوف یری » (نجم سوره سی ۲۹ ، ۴۰) قول کریمی موجبجه مؤخر آسعیکنزک ثمره سی کورر سکز . بر کره دکر من ایشلمک باشلا نیجه بر جوق مشکلات ومتاعبدن قورتیلور سکز ، خیلی زمان قزانور سکز ، آرادن بر مدت مرور ایدنجه استحصال ایتدیکنز فائده دکر منک انشاسیچون اختیار ایلدیکنز فدا کارلغه تماماً تقابل ایتدکدن بشقه صویک قوتی سزک ایچون بادهوا قالور . بونی سزه بر مثال اوله رق اتیان ایدیورم . یریوزنده بولنان بتون قوای طبعیه دن وموجودات سائرده دن استفاده ایچونده بویه چالشمق لازم کلور .

بزم یوراده اولدینی کبی سزک سوا حاکم کزده ده دکر واردر . اگر چالیشور سه کز بوندن ده اید یله جک استفاده بک چوقدر . باقکز قرآن کریم دکر ایچون نه سویلیور : « وهوالذی سخرالبحر لتاکلوا منه لحمأ طریاً وتستخرجوا منه حلیة تلبسونها وترى الفلك مواخر فيه ولتبتغوا من فضله ولعلکم تشکرون » (سوره نحل ۱۴) . الله تعالی دکر ی مسخر قیلدی ، تاکه اندن لطیف بالقدر صید واکل ایده سکز واینجو ، مرجان کبی حلیات چیقاروب نسوانکزه زینت قیله سکز . کوریور سکز که دکرده کیلر هر طرفه حرکت ایدیورلر . ایشته بویه کیلر ایله تجارت ورزق تحری ایتمه لیسکز ، بیده اللهک شولطفرینه تشکر ایله لیسکز . بوندن بشقه « والقی فی الارض رواسی

ان تم دبکم وانهاراً وسبلاً لعلکم تهتدون » قول کریمنده کورلدیکی اوزره (نحل ۱۵) الله تعالی سکینه قلب ایله اقامت ایتکز ایچون طاغیر ، زراعت کزده قوللانمه کز ایچون نهرلر ، ومنزل مقصودی بولمکز ایچون یولار یامشدر . بونلردن استفاده یه چالشکز .

« حب الوطن من الايمان » حدیث شریفی موجبجه وطنی سومک ایمان اقتضاسیدر . چونکه وطن ، انسانک مادر حقیقیسیدر ، وجودی وطنک اجزا وعناصرندن ترکب ایتشددر . مادر وطنی سومک ده آنی اعمار ایله اولور ، طوپراقلرینی سورمک ، حبوبات متنوعه واشجار کونا کون غرس ایلک ، خدای ثابت آغاجلرینی آشیلهمق ، چارلر ویاغموری جذب ایده جک اورمانلر یتیشدیرمک ، سینه سی یاروب معدنلرینی ایشلمک ، نهرلرینی خندقلرله توزیع واراضی سی سقی واروا ایتک . صو اولیا یرلرده آرزییهن قوبولری حفر یله صوچیقارمق ، نهرلرینی تطهیر ایدوب قابل سیروسفر برحاله قویمق ، مختلف نوعدن حیوانلر یتیشدیرمک وجنس لرینی اصلاحه چالشمق کبی عملیات اجراسیله اولور . مادر طبیعت بوضورتله تیمار ایدیلور سه اوده سوتیله ، نافع محصولات یله اوزاولادی اولان انسانلری ده کوزل صورتده اعاشه ایدر .

اخوان دین !

معلوم کز اولسون که شریعت اسلامیه حرف وصنایعه چوق اهمیت یرمشدر . اصحاب کرامدن عبدالله بن مسعود حضرت پیغمبردن شوحدیث شریفی روایت ایدیور : « طلب الکسب فريضة على كل مسلم ومسلمة » حرف وصنایعدن برینه تشبث ایله استحصال ثروت ایتک ارکک ، قادین ، هر مسلم اوزرینه فرضدر ؟ دیمکدر . دیگر بر حدیثده دخی « طلب الکسب بعد الصلاة المكتوبة » وارد اولمش واهل اسلام ایچون فرض اولان صلاتک عقبنده فريضة استحصال ثروت کلدیکی بیان بیورلمشدر .

ارتحال نبویدن صکره « خلفاء راشدين » عنوان یله مقام خلافتی احراز بیوران ذوات امر تجارت وکسب ثروت ایله اشتغال ایدرلردی . مجتهدین اسلامیه نك سر آمدانندن بولنان محمد بن حسن حضرتلرندن نقلاً محمد بن سماعه « طلب الکسب فريضة كما ان طلب العلم فريضة » یعنی « تحصیل علم فصل فرض ایسه تحصیل ثروت ده فرضدر » دیمشدر . کوریلور که شریعت اسلامیه حرف وصنایعی نماز قیلمق ، تحصیل علم ایتک کبی فرائض درجه سه چیقارمشدر .

اخوان دین !

« خلاصه » آدلو کتابده تجارت ، زراعت ، صناعت کبی انواع مختلفه کسبک مساوی اولدینی وهیچ برنی دیکرینه ترجیحه محل اولمادینی کوسترلش وبوباده علما وفقهای اسلامیه نك همان متفق اولدقلری بیان ایدلمشدر .

نظر شریعتده تجارت معتبردر ، حدیث نبویه « التاجر الصدوق مع الکرام البرره » بیور یله رق معاملاتنده صدق واستقامتله حرکت

و جوه اوزره جمعه چالشمیلدر . انسان اخلاقه ، استقامتیه اخرت آدمی اولمادقجه دنیای صورت مناسبه ده ایده من . دنیایی اله ایتدکجه آخرتی ده اعمار ایلده من ، زیرا دنیا آخرتک مزرعه سیدر . دنیاده نه ۱ کیلورسه آخرتده اویچیلور «ولینصرن الله من یضره» (حج ۴۰) ایت کریمه سی مقتضاسنجه کیم دینی و دنیوی صرف مساعی ایدرسه الله تعالی البته اویله آدمه یاردم ایلر .

دنیا ایله آخرتی صورت مناسبه ده استحصالی ایده بیلیمک ایچون بر شرط اصلی واردرکه علمدر . انسانک حیوانات سائرده و حتی ملکله تفوق و رجحانی علم ایلله اولدینی کبی قوای طبیعتیه غلبه سی ده علم سایه سنده در . جاهل انسان جاذبه ارضیه ، الکتریک ، حرارت و برودت کبی قوای طبیعتیه تک تحت اسارتنده قالور . حالبوکه علم ایلله بونلره غلبه ایدر و آنلری دیلدیکی صورتده استعمال ایلله استفاده ایلر . انسانلرک یکدیگره غلبه سی و تفوقیه ده علم سایه سنده در . «هل یستوی الذین یعلمون و الذین لایعلمون» (سوره زمر ۹) آیت جلیله سی بیلنلر ایلله بیلیمه یلرک مساوات ادعاسنه صلاحیتی اوله میه جغنی کوستریور . جناب حق سزى و بزی نائل هدایت ایلسون . دارالخلافه فی ۲۵ جمادی الاخره سنه ۱۳۳۱ عثمانلی دین فرداشلرکیزدن محمود اسعد

ترتیب تعمیر و تعمیر

طلب علم و مرکت فکریه:

دردلر من: ۱ - جرجیلک

چکنکی مقاله ده دردلر منی تشریح ایده جکمی یازمشدم . طلبه قره شلریمک ده بو خصوصه دائر یازی یازمه لرینی رجا ایتشدم . هفتقلق انتشار ایدن دینی رساله لرده بریر کوریلن حرکت فکریه ، هر حالده بیوک برامیدک نشانه مفخرتی اولدینی مع الشکران کوریلور . بومقاله لر میاننده اصلاح مدارسسه عائد یک انی فکرلر واردی . فقط مسئله تک اک روحلی نقطه سنه تماس ایدیلده مه مشدی . شومقاله مله بنده اورو حلی مسئله نی ایضاحه چالیشه جغم . . .

قارداشلر ، «جر» ... شوکله یی ایشیدنجه بینکزه قاز صچرا یور ، عضلاتکیز تیره یور ، یازک صیجاقلری ، صوغو قلیر آلنده چکد . یککیز مزعج مشاق و مزاحم بردنبره جانلانوب بینکزی طیرمه لایور ، قوه مفکره کزی پریشان ایدییور ، دکلی . . . ؟

بومسئله ، اوقدر مهم ، اوقدر مهلک که : بوکون تأسفله کورد . دیکمز قانسزلق ، جانسزاق ، عطالت و سفالتک همان همان منبعی بو تشکیل ایدییور .

ایدن تاجرک متقیلر زمره سندن اولدینی بیلدرلشدر . زراعت و حرانت معتبردر ، چونکه انبیای سالفه واکا برامت آنکله اشتغال ایتشلردر . صناعت معتبردر ، حدیث نبویه «الحرفه امان من الفقر» بیوریلهرق حرف و صنایعک آتش فقر و احتیاجه قارشو باعث امن واستراحت اولدینی کوسترلمش و صنعتیه تشویق بیورلشدر . اخوان دین !

فقهای اسلامیه استحصالی ثروته درجات متفاوته تعیین ایتشلردر : برنجیسی بالاده بیان اولدینی اوزره فرض اولان درجه سیدرکه کندی نفسنه و اولاد و عیالنه و مدیون ایسه ایفای دینه کافی اوله جق مقدار ثروتک استحصالی ایچون صرف مساعیدر .

ایکنجیسی ، مستحب درجه سیدرکه مقدار کفایه دن فضله اوله رق اقربا و تعلقاتنه و ارباب فقر و احتیاجه معاونت مقصدیه استحصالی ثروته صرف مساعی ایدلر سیدر . حتی برکوشیه چکله رک نفل عبادات ایلله اشتغال ایتکدن ایسه فضله ثروت استحصالیله اشتغال ایلک افضلدر . بونکده سبی عبادتک منفعتی عابدک شخصنه مخصوص ، استحصالی ایدیلن ثروتک منفعتی ایسه کاسب ایلله برابر عمومیه ، مملکتده عام و شامل بولنر سیدر . حدیث نبویه «الناس عیال الله فی الارض و اجسد هم الیه انفعهم لعیاله» بیورلشدرکه «ریوزنده انسانلر جناب حقک عائله سیدر . هرکیم آنک عائله سنه ده فائده لی اولورسه آنی سائرلریدن زیاده سور» دیمکدر . اوچنجی درجه سی مباحدرکه تجمل ، تزیین ، دبدبه و احتشام ایچون مال قزانمقددر . حدیث نبویه «نعم المال الصالح للرجل الصالح» بیورلشدرکه «خلق حسن صاحبی اولان رجل صالحه مال حلال نه کوزل یاراشور» دیمکدر .

لکن نظر شرع شریفده اجرای شر و مفسدت و فخر و مکا بره ایچون استحصالی ثروته چالشمق حرامدر . اخوان دین !

«ان الارض یرثها عبادی الصالحون» (سوره انبیاء ۱۰۵) آیت کریمه سی مقتضاسنجه ریوزینه صالح و خلوق آدملر وارث اولور . حرف و صنایعک انواعنده صرف ایدیلن مساعینک منمر اولمسی ایچون شرط اصلی ده ساعینک خلق حسن صاحبی اولمسیدر . فساد اخلاقه مبتلا اولانلرک سعیده برکت اولماز . بوندن بشقه انسان بالجله معاملاننده استقامتدن ایرلما میلدر . «ترك الحيلة حيلة» قاعده سی فراموش ایتمه میلدر . معاملاتنده استقامتدن انحراف ایتمین اقوامک نه درجه ترقی ایتدکارینه اک کزل مثال آمریقالورددر . ایشته الله تعالی بویله مستقیم قوللرینی ریوزینه وارث قیلار . اخوان دین !

«دنیا لک ایچون هیچ ثولیه جک ایشسین کبی چالش ، آخرت لکک ایچون ده یارب ثولیه جک ایشسین کبی غیرت ایت» مآلنده بر کلام شریف واردر . بوکلام موجبجه انسان دنیا ایلله آخرتی احسن